

'Falsafah Islam mencukupi beri kemajuan kepada penganutnya'

U 3-11-1991
KUALA LUMPUR 2 Sept. — Perdana Menteri, Dato' Sri Dr. Mahathir Mohamad menegaskan Islam mempunyai falsafah yang mencukupi untuk memberi kemajuan kepada para penganutnya.

Sebagai contoh, katanya, Islam telah membuktikan pada satu ketika bagaimana bangsa yang amat mundur — Arab Jahiliah, apabila memeluk Islam telah maju dan berkembang sehingga menakluk lebih daripada setengah kawasan di dunia.

Pada masa yang sama, bangsa Arab Jahiliah itu juga berjaya mencipta kemajuan dalam bidang sains, perubatan, pentadbiran

dan bermacam-macam lagi.

Perdana Menteri berkata, baru-baru ini, seorang yang bukan beragama Islam memberitahunya undang-undang antarabangsa dibentuk berasaskan kepada undang-undang Islam.

"Jadi, Islam mempunyai cukup falsafah dan pengajaran untuk memberi kemajuan kepada orang yang menganutnya," katanya ketika ditanya mengenai pendekatan yang harus dibuat bagi mencetuskan reformasi mental di kalangan rakyat negara ini dalam rancangan "Bersama Perdana Menteri," yang disiarkan oleh RTM malam ini.